



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Philomathi Mvsae Ivveniles**

**Alexander <VII., Papst>**

**Coloniae Vbiorum [i. e. Amsterdam?], 1645**

LVIII. Ad Dominicvm Molinvm, Senatorem Venetvm.

**urn:nbn:de:hbz:466:1-12750**

## L VIII.

AD DOMINICVM MOLINVM,  
SENATOREM VENETVM.

Venetiarum urbem ac Rempubl. præ cæteris laudat, ejusque Senatores, & inter hos præcipue D. Molinum.

Vates, compositis parcite laudibus,  
 Nec se prisca ferat gloria posteris  
 Majorem : facili secula vicimus  
 Cursu, nec tumidi tamen  
 Iactamus celebri carmine, seduli  
 Non verbis decus extendere longius,  
 Sed gestis : abeant Pergama, cœlitum  
 Tot quondam egregius labor.  
 Cedat Cecropii regia nominis,  
 Et vultu veteri Roma superbiens.  
 Cunctas una super tolleris, Adriœ  
 Urbs ô condita siderum  
 Aspectu placido ; quæ impenetrabili  
 Muro tuta manes, fulmina negligis,  
 Bellorumque acies ; quæ omnibus artium  
 Terris dogmata dividis,  
 Mutandique vices nescia, firmius  
 Traxas imperium ; quæ fugientibus  
 Præsis vi stabili fluctibus, & mare  
 Cogis iussa capessere.

Felix

*Felix ne pete producere terminos  
Ulta; sed, propriis læta nitoribus,  
Tecum vive diu. motibus in suis*

*Cœlum sic requiem parit.*

*Ulta nec petit is, qui movet orbium  
Motrices animas, quam sibi vivere.  
Sic te crede tibi, cui satis undique*

*Terrarum patet ac maris.*

*Si majora juvant; i, celer occupa  
Cœlum, & patritiam pone coloniam,  
Qua semper niteant astra recentia*

*Cives nobilis Adriæ.*

*Hos inter proceres præcipue locum  
Molinus teneat, consiliantibus  
Mens quodcumque petat provida Patribus,*

*Et recti columen status.*

*Hoc uno maneat Principe Curia,  
Nec Musæ fugiant, nec sapientia,  
Privatusque gerat munera Cæsar, hic  
Vrbi si advigilet Cato.*